



Inatsisartuni ilaasortaq Knud Fleischer, Kattusseqatigiit Partiat
Inatsisartut
/Maani

Angallatinut 500 BT qaangerlugit angissusilinnut sinerissap qanittuani raajarniarsinnaanermut akuersissuteqartarnerit pillugit § 37 naapertorlugu Naalakkersuisunut apeqquteqaatip nr. 2011-153-p akineqarnera

18. aug 2011
Sagsnr. 2011-053982
Dok. Nr. 708373

Postboks 269
3900 Nuuk
Tlf. (+299) 34 50 00
Fax (+299) 32 47 04
E-mail: apnn@nanoq.gl
www.nanoq.gl

Inatsisartut suleriaasianni § 37 malillugu angallatit 500 BT qaangerlugu angissusillit sinerissap qanittuani raajarniarsinnaanerannut akuersissuteqartarnerit pillugit apeqquteqarputit. Apeqqutigineqartut uannut akisassanngorlugit ingerlateqqinneqarput.

Apeqquteqaat 1

Naalakkersuisut akuersissutit tunniunneqarsimasut sinerissap qanittuani imartamut raajallu amerlassusaannut sunniutissaanik misissuititsisimanerlutik?

Apeqquteqaat 2

Apeqqut siullermut tunngatillugu, akuersissutinik taaneqartunik ingerlatsiinnarnissaq nunap avatangiisaanut naalakkersuinikkut mianerinninniarnermut naapertutissanerluni?

Apeqquteqaatinut 1 aamma 2-mut akissuteqaat

Pinngortitaleriffik ukiut tamaasa Tunumi Kitaanilu raajaqassutsip allanillu aalisagaqassutsip killiffiat malinnaaviginiarlugu biologinik misissuititsarpoq. Kitaani Nunap Isuanit Upernivik angullugu Diskollu Tunua ilanggullugu misissuisoqartarpoq. Misissuinerit aalisagaqassutsip naliliiffiginerani kingusinnerusukkullu taakkununnga siunnersuinermi aalisarnermiit paasissutissanut (logbøger) ilangunneqartarput.

Pinngortitaleriffiup nalilerpaa aalisagaqassutsit sunnerneqarnerat angallatit aalisarnermut atorneqartut qanoq angitiginerinut attuumassuteqanngitsut. Paarlattuanik raajat qaquinneqartut taakkuupput raajaqassutsip qanoq ineriaartornissaannut apeqqutaasussat.

Apeqquteqaat 3

Naalakkersuisut akuersissutit taaneqartut atuukkunnaartissinnaanerannut periarfissaqarsinnaanerlutik?

Apeqquteqaammut 3-mut akissuteqaat

Akuersissutinik taaneqartunik atuukkunnaartitsisoqassappat oqimaalutaaneq tamakkiisumillu naliliinerit pisariaqarput. Illuatungaani aalisariutaatileqatigiit aalisarnermik ukiorpassuarni ingerlassimasaminnik aningaasaqarnerminnullu

pingaaruteqartumik ingerlatsiinnarnissaat eqqarsaatigisariaqarpoq. Tamatuma saniatigut sinerissap qanittuani aalisarsinnaanermut akuersissutip atorunnaarsinnissaanut pisortat soqtigisaqnerat eqqarsaatigisariaqarpoq.

Inuussutissarsiummik ingerlatsinissamut akuersissut tunniunneqareerlunilu atorneqartoq atorunnaarsinneqarsinnaavoq tamatumunnga annertuumik pissutissaqartoqarpat. Inuussutissarsiummik ingerlatsinermut akuersissut ilaappat atorunnaarsitsinissamut tunngavigineqarlutik pissutaasunut piumasaqaatit sakkortusineqassapput.

Sinerissap qanittuani angallatinut 500 BT-it qaangerlugit angissusilinnut aalisaqqusiunnaarneq atuukkunnaartitsinissamut nalinginnaasumik inatsisitigut tunngavigineqartut aallaavigalugit nalilerneqassappat taamatut atuukkunnaartitsinerup tunngavilersornerani oqimaatsumik tunngaveqartariaqarpoq.

Apeqqummut isummertoqartinnagu aalisarneq pillugu inatsisip aappassaanik misissorneqarnissaa Naalakkersuisut utaqeqqaarniarpaat. Taamaalilluni sinerissap qanittuani angallatinut 500 BT qaangerlugu angissusilinnut aalisarsinnaanermut akuersissutit tunniunneqarsimasut atuukkunnaartinnissaannut massakkorpiaq pilersaaruteqartoqanngilaq.

Apeqouteqaat 4

Naalakkersuisut akuersissutinik atuukkunnaarsitsinissap toqqaannartumik aningaasaqarnikkut, nunatsinnut aammalu umiarsuaateqarfinnut eqquaasussanut, kingunissai qanoq isikkoqassanersut nalilersorsinnaavaat?

Apeqouteqaat 5

Qanormi toqqaannanngikkaluamik akuersissutinik atuukkunnaarsitsineq fabrikkinut, angallatiniit pineqartuniit raajanik pilersorneqartunut, aningaasatigut suliffeqarnikkullu, kinguneqarsinnaava?

Apeqouteqaatinut 4 aamma 5-imut akissuteqaat

Soorlu apeqquteqaammut 3-mut akissuteqarninni erseqqissarneqartoq akuersissutinut taaneqartunut atuukkunnaartitsinissamik Naalakkersuisut massakkut pilersaaruteqanngillat. Aammattaaq ilisimatisssutigissavara aalisarneq pillugu inatsisip aappassanik misissorneqarnerani naatsorsuusiorqassammat, tassanilu aamma aningaasaqarnermut suliffissaqartitsinermullu pissutsit ilanngunneqassallutik.

Inussiarnersumik inuulluaqqusillunga

Ane Hansen